

არასამეწარმეო (არაკომერციული) იურიდიული პირი
საქართველოს სამედიცინო ჰოლდინგი
GEORGIAN MEDICAL HOLDING

1000395 0 23 00966062

13/09/2023

სსიპ "სახელმწიფო ქონების ეროვნულ სააგენტოს"

როგორც მოგეხსენებათ „2022 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2022 წლის 12 იანვრის N4 დადგენილებით დამტკიცებული „პირველადი და გადაუდებელი სამედიცინო დახმარების უზრუნველყოფის ქვეპროგრამის“ – „სოფლის ექიმის“ კომპონენტით გათვალისწინებული მომსახურების განმახორციელებლად 2022 წლის 1 მარტიდან განისაზღვრა ა(ა)იპ - „საქართველოს სამედიცინო ჰოლდინგი“.

შესაბამისად, საქართველოს სამედიცინო ჰოლდინგმა განახორციელა სოფლის ამბულატორიული ქსელის ინფრასტრუქტურული მდგომარეობის ანალიზი საქართველოს ყველა რეგიონში.

1000-ზე მეტი სოფლის ამბულატორიის შეფასებამ აჩვენა, რომ ინფრასტრუქტურა ამორტიზებულია, შენობების უმრავლესობა სარემონტო და მოუწესრიგებელი, რის გამოც, ვფიქრობთ, რომ ვერ ხდება პაციენტებისათვის სათანადო სამედიცინო მომსახურების შესაბამისი სტანდარტის შეთავაზება, ხოლო სამედიცინო პერსონალისათვის სათანადო სამუშაო გარემოს შექმნა.

ზემოაღნიშნულიდან გამომდინარე, ა(ა)იპ საქართველოს სამედიცინო ჰოლდინგი მიიჩნევს, რომ იმ შემთხვევაში თუ მოხდება სოფლის ამბულატორიების გადმოცემა საქართველოს სამედიცინო ჰოლდინგის ბალანსზე, აღნიშნული დადებითად იმოქმედებს „სოფლის ექიმის“ პროგრამის განხორციელებაზე. საქართველოს სამედიცინო ჰოლდინგი ერთიანი მიდგომით დაიწყებს მუშაობას ამბულატორიების რეაბილიტაცია/მშენებლობისათვის. რათა ქვეყანაში გაუმჯობესდეს პირველადი ჯანდაცვის მიწოდების ხარისხი. აღნიშნულ მიდგომას ასევე იზიარებს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო (2022 წლის 18 ივლისის N MOH 0 22 00114172 წერილი).

გთხოვთ, მოქმედი კანონმდებლობის შესაბამისად უზრუნველყოთ ჩოხატაურის მუნიციპალიტეტის საკუთრებაში არსებული უძრავი ქონების ს/კ 28.09.24.462(სოფელი ხიდისთავი), ა(ა)იპ - „საქართველოს სამედიცინო ჰოლდინგისათვის“(ს/ნ 402157330) უფლებრივად უნაკლო მდგომარეობაში, პირდაპირი მიყიდვის ფორმით სიმბოლურ ფასად 1 (ერთი) ლარად საკუთრებაში გადმოცემა.

ამასთან გაცნობებთ, რომ ა(ა)იპ - „საქართველოს სამედიცინო ჰოლდინგის“ მიერ საპრივატიზაციო საფასურის გადახდა განხორციელდება შესაბამისი ნასყიდობის ხელშეკრულების გაფორმებიდან 1 (ერთი) თვის ვადაში.

დანართის სახით გიგზავნით საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს წერილს (2022 წლის 18 ივლისის N MOH 0 22 00114172 წერილი).

გთხოვთ, თქვენს შემდგომ რეაგირებას.

დანართი: 1 ფურცელი

პატივისცემით,

დირექტორის მოვალეობის შემსრულებელი
გიორგი ენუქიძე

ხელმოწერილია/
შტამპდანიანი
ელექტრონულად

